


地

地 280.307
41
21-4

南江縣志



地

南江縣志

民國十一年歲次壬戌仲秋月初版
成都聚昌公司代印

序

歲在壬戌余治軍南江兼知縣事取閱其縣志僅書一冊爲清道光間知縣胡炳教諭彭映所纂輯竊以漢昌集州之舊墟米倉漢中之故道劉備張魯之所角逐仙客味道之所回翔豈無節義文章騷人名宦卓然可以稱述又豈無風土物產典章制度煥然可以鋪陳而當時所載者何少也豈非紀述無人遂泯然無傳歟道光至今又將百年矣其中易名改制新舊遞遷緒愈紛而事愈夥非有載筆將復湮沒夫攷風物以知民隱記往事而啓將來有司之責也於是開館籌備廣延名宿邑紳岳仲威岳筱泉何龍光三君應聘而至相與斟酌義例重爲修輯余以賑災急迫躬歷窮鄉不獲始終其事迨逾月歸來而書適告成余受而讀之見其條分縷晰義明詞顯釐然秩然折衷至當未嘗過於標新啓老師舊儒之疑亦不偏於泥古貽鮮通寡要之誚計爲門二十有六都爲四編與舊志相較精粗佳惡不啻瑾瑜之於砒砒菽粟之與糠粃也嗟乎當余周

南江縣志

序

閱災區冒雨奔馳山水暴發涉河幾殆勞瘁若此而一滴甘露尙未知能否遍潤災黎獨於此一縣之志竟能不費而成不勞而獲謂非幸歟後之博雅君子與余同志藉此爲藍本而潤色釐訂之是尤余之厚幸也夫
陸軍二十一師步八十一團團長兼南江縣知事董珩謹序

修志姓氏

監修

南江縣知事

董珩

纂修

五等嘉禾章前廣東臨高縣知事

岳永武

四川存古學校畢業邑廩生

何耀祖

縣教育會長邑廩生

岳鎮東

總理兼校訂

南江縣視學

岳陽

協理

南江縣地方收支所所長

程於樂

李鴻昌

南江縣志

第一編

修志姓氏

採訪

前臨時參事會議長邑增生

岳詢

團練局長巡警學校畢業邑廩生

胡文煜

南江縣實業所長工業學校畢業

康化成

縣立第一高等小學校教員邑廩生

賈卓

南江縣中區勸學員

李朝彝

前縣議會議書記員

陳侯周

前國史館供事第五區區董

郭崧

前自流井批驗員初級師範畢業

陳煥新

華陽醫學研究所員邑廩生

蔡紹周

督刊

留學日本前知鹽邊縣事邑廩生

李又新

國立成都高等師範肄業

何雁秋

繕稿

南江縣勸學所書記員

岳向離

南江縣志

第一編

修志姓氏

二

舊志姓氏

纂修

南江

縣

知

縣荆門胡炳

採輯

南江

縣

教

諭丹稜彭曠

採訪

職

吏

繕稿

員

譚耀宗

員

王慶祥

馬鳴崗

梁覺

李騰蘭

南江縣志

第一編

舊志姓氏

三

南江縣志

目錄

第一編

輿圖

沿革

疆域

山脈

河流

關隘

城市

衙署

交通

風俗

宗教

古蹟

第二編

戶口

賦稅

倉儲

物產

氣候

實業

教育

選舉

武備

祠廟

災祲

慈善

第三編

人士

列女

官師

第四編

藝文

志餘

南江縣志

凡例

一南江舊無志乘道光初年知縣胡炳教諭彭映始纂輯縣志事屬草創未臻完備茲重爲纂修另訂體例正其訛誤補其缺略計舊志所有者悉已採錄舊志所無者增多過半起例屬辭力求明晰務使覽者瞭然不敢侈言簡要也

一他志門類每多括以總綱分列細目強爲牽合轉多捍格茲仿李西澗閩中志各自爲門共爲四編不列總綱亦無所謂細目免涉牽強貽笑大雅

一舊時志乘各門起首小序意在鋪排門面無關體要何取浮文至天文星野高遠莫稽且非一邑所能專應從刪削餘如塚墓金石不外古蹟道路橋梁均屬交通卽不另列一門以節冗贅

南江縣志

第一編 凡例

二

一古今異宜今昔殊制如實業教育交通慈善宗教在今視爲重要均爲舊時志乘所無或略有紀載而名目別具茲特爲標題詳加著錄不敢泥古鮮通期於適合今制

一詩文之有關文獻者仿武功閩中二志各從其類散載本條之下以便閱者考證其無從附載者始列入藝文

一輿圖因時間迫促惜未能精確測量然幅幘之廣狹山川之位置道里之遠近尙未失其真相至志山脈則條分其脈絡志河流則詳究其源委期免從前散漫列舉之弊

一南江地瘠民貧風氣未開本編對於風俗事蹟之涉及迷信者概從沙汰或加駁斥物產實業之有關利源及民生者稍有可採卽詳爲載錄意在革前日之陋習導人民以實利

一自民國七年靖國軍駐縣以來派捐軍餉每年不下數十萬然一時痛

苦之供億非經常之賦稅不列於編庶免來者效尤至近年軍事頻仍
是非莫定恐涉忌諱亦從蓋闕

一戶口賦稅之數公款公租之收入時有變遷年無定額者則酌取一年
爲標準或取數年之平均數以志其大概至支出尤無一定則弗欄入
以省繁文

一志例人物列傳以歿後三十年爲斷生存者不錄今略仿其例凡歿於
宣統及民國者雖有行實足紀概不登錄惟曾經表揚有官文書足依
據者不拘此例

一南江地屬邊僻名賢鮮至舊聞散失文獻無徵故古籍紀載之涉及者
吉光片羽不可多得茲立志餘一門凡搜輯所得軍事列爲事紀其他
則列爲雜錄期於方冊所載不致遺漏

一是編纂輯始於民國十一年二月成於是年三月時僅兩月審擇爲難

疎略舛誤知所不免閱者諒之

南江縣志第一編

沿革志

南江古禹貢梁州之域

周巴子國地〔華陽國志〕武王克殷封姬姓於巴爵之以子都江州或治墊江或治平都後治閬中縣境皆其幅員也

漢宕渠縣地與巴中通江同爲宕渠縣地屬巴郡

後漢漢昌縣地治在今巴中屬巴郡

梁難江縣地治在今巴中縣北〔寰宇記〕以江水難涉故以難江名

西魏盤道縣地治在今巴中北

後周集州 平桑郡 難江縣 曲細縣俱天和五年分置

隋難江縣大業初屬漢川郡 長池縣開皇末更曲細名屬清化郡郡治即今巴中

公山鎮大業二年置在今縣治唐武德元年廢 平桑郡開皇初廢

唐集州武德元年復置在今縣治屬山南西道 難江縣在州 平桑縣武德初分置屬集州貞觀初廢旋復六年仍省長

南江縣志 第一編 沿革

池縣屬集州貞觀六年省 大牟縣武德元年割清化西界置大牟屬靜州永泰初屬集州 〔輿地紀勝〕故靜州城在恩陽北縣五里

符陽郡天寶初更集州曰符陽郡

五代集州 難江縣 大牟縣

宋集州熙寧五年廢 大牟縣乾德五年省 難江縣熙寧五年屬巴州

元難江縣至元二十年省入化成縣今巴中治

明南江縣正德十一年復置更名仍屬巴州按巴州於洪武九年降爲縣正德十年始復爲巴州故南江弘治正德年間寺鐘碑誌多載有

保甯府巴縣字者

清南江縣屬甯保甯府

中華民國因之屬嘉陵道

南江縣志第一編

疆域志

南江縣疆域位置在東經百零七度九分至百零七度七分北緯三十一度至三十二度八分

東至通江縣界一百里 官田壩

西至廣元縣界四十里 土地壩 稍西南至廣元縣界二百里 龍感山

南至巴中縣界一百八十里 元潭場

北至陝西漢中南鄭縣界二百三十里 台上 稍西北至漢中甯羌褒城沔縣

界二百三十里 梨坪

東南至通江縣界一百四十里 烏龍壩

西南至蒼溪縣界一百九十里 高坡場

東北至通江縣界一百七十里 木竹壩

南江縣志 第一編 疆域

西北至廣元縣界五十里 橋壩場

東西距一百三十里乃至三百九十里

南北距四百一十里

面積約一千二百一十方里

全境形勢縣治略當中心東西徑最狹西南方突出全體三分之一且多犬牙相錯頗似金魚振尾西南首昂於北

舊志與府志載南江形勝巴西外戶蜀北巖疆羣山奔赴萬壑分流高崩難升實稱天險

舊析為三鄉曰崇清曰長池曰吳壩 崇清諸名自民國紀元廢三鄉析為九區

此自治區其學區警察區另有規定

南江縣志第一編

山脈志

南江縣主要山脈起原於大小二巴山地理誌巴山脈為中崑崙分支界於川陝楚訖於巫峽南江之大小二巴山

實為巴山脈起原按巴子國始封於周武王巴山之名所由昉也

小巴山在縣北二百三十里亦稱巴嶺脈自陝西甯羌南鄭等縣延入為巴漢巨鎮多上

雲霧覆罩積雪至夏不消險亞大巴山而高峻過之

大巴山在縣北二百二十里脈連小巴山東麓多幽崖荒谷日光罕照積雪同小巴山 正幹迤

東入通江縣境南支入縣境為鐵船山為米倉山二大主脈

王經芳大巴山行三巴之地此其一中有山兮誇舉嶺行人乍道日影斜東山不見西山日鑿山跨木半山腰下有汎流亂石漂猿狐

覩此膽且落何况牧童窺採樵樵口口人烟少手持斧頻頻眇其中亦有莽丈夫拔口口虎山之窟其如蜀虎畏強梁遠避深崑聲不揚伊人剛猛無委曲怒氣忡然目大張此山直接漢中道此人徒自英雄老君不見宇宙是無涯多少胸襟負懷抱

鐵船山在縣北二百一十里脈連大巴山縣治東南諸山主脈也石嶺嵌空環擁若舟空隙

南江縣志 第一編 山脈

幽邃天雨則飛泉四射頂多積雪人跡罕到 分兩支南下東支為貴民關山脈西支為玉千山山脈

脈

貴民關山在縣北一百二十里脈為船山東支山勢一送一迎截業排簪若迤馬蹄磁石川陝要道通過之

東南行別出為雞卷子鳥道一縷 馬耳寨四面峭壁中有深洞上為斜面可容萬人 觀光山背陡峭面成階

級形愈上石人寨寨門外有石屹則愈平衍立若守衛然 迤東正幹為烏林壩通南隘地 迤南為大明

壩通南巴分界處 迤而西為七星山

七星山在縣南一百四十里嶺上土峯羅列圓若覆盃連布百餘中有小圓峯七位置若北斗七星有池終歲不溢不涸俗呼天

池子 其南為大寨山自貴民關至此東陡峭而西平衍為通巴南天然分水脊

迤東入巴州境復轉入縣境為鐵尖山石門寺等山

岳凌雲詠七星山天池詩巒頭象七星泉窪古不涸渴虹蟪絳屑斜日濯長脚閒看天雞浴樹挂蒼公勺啗彼下方塘蛙

聲亂閣閣

大寨山在縣南一百四十里為巴南分水脊第一高山舊為寨可容萬餘人頂上有泉清教匪之亂環

近數十里居民多避難於此寨旁轎子梁為清知縣裘良駿勦寨駐輿之地
殺人坪為當日寨首禦匪權宜行戮之地迤迤西下拓為小高原名張公塘
諸峯環拱朝揖佳氣葱龍形勢為縣中最高經銅鈴山訖神潭溪

鐵尖山在縣南一百七十里自七星山分支入巴中縣境為石峯台迤南經龍

鳳場老土地分四支入縣境一北行經人和場訖滑溪口一西北行至此

四圍絕壁鳥道盤紆上為斜面有田數十畝訖於下兩河口一西行為太平寨訖於元潭一南行

為石門寺

石門寺山在縣南一百八十里勢頗低為一石梁高可三丈厚半之為巴南迤

東入巴中境餘支訖針匠壩距巴中縣治三十里

以上貴門關山脈

玉千山在縣北一百二十里又名蓮華峯脈為鐵船山西支蓮華瓣形勢秀挺

詳岳度洋潭記 綿延為天馬峯青陽峯丹鳳嶺蜿蜒南下為小巫山

小巫山在縣北七十里一名十二峯今呼九龍山綿互十餘里峭聳十二峯

南江縣志 第一編 疆域

爭奇常在雲烟縹緲間按十二峯小巫山九龍山一山而數名者也舊志
並列誤又衛道凝南江山水道里記稱凡水至羅坪河有水自小巫山來
尤誤蓋羅坪河上源盡屬廣元縣地雖平河場西有山略似十二峯然不屬
南江即不應入志又舊志云小巫山在縣北一百里凡十二峯又云十二峯
在縣北一百里大小十二峯考縣志所稱小巫山十二峯也今九龍山麓確有
記云鹽井堡之九曲嶺古輿圖志所稱小巫山十二峯也今九龍山麓確有
鹽井堡據此不辯自明

岳度洋潭山水記 洋潭者因江而得也洋之水源流盛大而溇泓靜深故曰

三十餘里沿江西南下至南江縣九十里其主山名天柱峯正居子位為水
田坪前山俗呼關爺寨以居民避亂其上有關帝廟也山腹一嶺垂下不數
里分爲二嶺嶺之上下左右皆茶園田宅東嶺前祖房即朝議鶴宇公舊居
基址坐子向午少兼壬丙經亂止有小樓森然松柏凌霄江東西岸與西嶺
前莊田咸屬焉西嶺上名大墳亭壘數塚更無他姓馬鬣中封宗顯祖宅
兆也磊石牆園松柏蒼蔚內有石亭存焉下名大營營內皆祖宅權變靡存
宅後爲南峯蓮東峯諸公佳城及近支墳塚厥後園宅盡歸朝議公次子
步瀛西惟瞻宇比隣自小溝子溪水入江下至銀杏壩兩河口之水入江處
上下二十里淵潭澄碧曲折環抱與山勢相闔夙稱佳麗之區如蓮之南
岸爲玉千山位正午即洋潭前山也又名蓮華峯其山頂數峯錯出如蓮瓣
現衆山羅列似兒孫焉山頂石壁垂裳正襟安坐氣象舒袖手若捧嬰兒
將付立者立者亦若舉手接抱之狀傳爲仙姬送子云山之左臂小峯數箇
接肩而起如雁行侍立玉女峯又如天馬行空騰鬣奮鬣舊名天馬峯山之

右寨蔡家莊上亦名天馬峯俗名鞍子坪如駿馬奔逸載昂其首大樹塢丹
鳳嶺鞍韉纓宛然俱備山脊迤南則遙接鹽井堡之九曲崑古與圖志所
稱小巫山十二峯也飛鳳山即觀音寺山也形如飛鳳邑侯蔣公遊而名之左與
東天馬峯近者為飛鳳山即觀音寺山也形如飛鳳邑侯蔣公遊而名之左與
潭正西有雲鶴觀觀右有溪西之僧獲之得大珠數顆故名山後即兩河口也
自石罅中出昔有大蚌浮出一僧獲之得大珠數顆故名山後即兩河口也
嗟夫家園荒杳吾諸子隨官生長於
外細為記之俾歸時得考鄉井云

王經芳小巫山賦

世傳巫山十二峯在川東楚西之交兩岸壁立中流瀉山
巒奇峭林木秀麗為海內曠觀南江萬山環翠帶溪淺碧亦

有小巫山十二峯余每遊覽幾與六一先生醉翁亭東坡居士赤壁並垂勝
事第以歷遭兵燹不克小築一亭偶架一葉為缺然也因而賦曰唯三巴之
閑曠兮育巫山之麗秀自襄王而朝暮兮垂佳話以永久奚扶輿亦效壘兮
轉東流而北走千里之南江兮乃勝蹟之並有縈維南江亦曰小巫峯排十
二碁列星羅檣林沉碧豹跡盈途松脂密口虎珀光迴鸞拒史安於奧僻若
顧以納結暨中山口安亦北圖之疆場豈天寶之迴鸞拒史安於奧僻若
夫羣奸竊踞何代無兮萬山重疊特阻險兮北脊連雲道惟棧兮西瞻劍閣
關尤嚴兮然我聞之不見朝雲輕烟繞兮少施暮雨行路濡兮秋林如洗楓
葉濃兮春霞散泊芳樹柔兮丁澣澣士女寫憂攀嶽嶺遠望之以如仙近即
之以修影時而樵夫負薪丁丁澣澣士女寫憂攀嶽嶺遠望之以如仙近即
僧結草尋幽搜僻恐入林之不深或徙倚於巖石時而使令尋春擔羊潔酒
展簿書之憂勤聊穿揚兮以射柳嗚呼噫嘻天壤間氣結而成峯怪形異狀
秀挺寰中小巫大巫何必相同倘
品題之允當人力亦奪乎天工

南江縣志

第一編 山脈

鹿角埕在縣東北三十五里脈來自小巫山至柳埕轉而西成一橫嶺至此則
轉而南為天生橋為巫山埕

巫山埕在縣東北三十五里

蒼潤錯疊朝雲暮雨若巫山然

別出者為龍來山歸雲嶺迤南至

土地埕別出者為梓潼宮山公山塔山馬驤山皆環拱縣治於東南之山也

龍來山在縣東北五里下有太虛洞今呼斷渠

亂石磊砢土人常於此避兵舊志作清虛洞

歸雲嶺在縣東北五里又名立鵠嶺

與來龍山相望時有雲氣擁護其勢尖削側形若立鵠

梓潼宮山在縣東二里

昔為祠祀文昌地磴道盤空翠柏蒼蔚有留青閣挹瀨軒諸臥遊地朝暉夕曛明滅縹緲足擅東郭之勝遠近

人士登臨禱祀者四時不絕

公山在几江南岸縣治之案山也

俗呼照壁崖面陡削頂微平左右斜下左抑而右揚輪廓若公字形家謂為土角流金星

體最 遊仙山一名白鹿山在公山層巒上

府志世傳張道陵七世孫為集州刺史於此山仙去

王經芳公山詩

公山上徧秋風荒署凄其落照紅聞說仙家乘白鹿至今石岸伴飛鴻

塔山在縣西南三里

塔有二一為同治甲子邑令金鳳洲建高三級今漸圯一為光緒丁酉邑令王殿甲建高三級

挂榜山

卽新塔山一名天榜山

石壁橫長形若掛榜按棗州舊治今孔廟地掛榜山卽其案山故名一堅瓠集一明岳虞詞中甲科山

忽崩墜每歲花朝前後百花盡發千紅萬紫競豔爭奇中有一二種秀出羣芳稱爲天香國色者人藉以下科名云

王經芳天榜山詩

不向尼山卽面牆桂花香處傍初張玉蟾有分留題字許共巴流一色長註天榜山於縣庠爲面壁

馬驥山在縣南十里爲塔山別支

太平山在縣南七十五里爲玉千山山脈別支脈自巫山埽迤南分支南行至

此勢忽曼衍

有寨可容千人

再南爲方凳崖鋪堦大元山小元山遞降而訖於石板

灘

盤龍山在縣南五十里脈自縣治東南土地埽來經大寨小寨

至此勢稍團聚土人曾建奎閣

其間以助結撰之奇迤南爲高觀寺山

高觀寺山在縣南八十里

三峯遞聳高出雲表

迤南有橫嶺西出爲五台寨山

桂香山在縣南一百二十里脈自高觀山來經火炎寨至此突出晏山塚高原

中

山頂古木陰翳四望曼衍磅礪登臨者恍若陸地神仙

南江縣志

第一編

山脈

九

李子寨山在縣南一百二十五里

桂香山之南形勢相若

來龍山在縣南一百五十里脈自李子寨山來左顧明水右瞰几水勢漸收束

屹然止於中觜

其下爲下兩河口

以上玉千山山脈

米倉山在縣北一百八十里脈連大巴山縣治主脈也

漢昭烈帝伐張魯由此張桓侯取平城時爲隘

口「通志」宋開禧二年金兵入鳳州興元帥程松丞趨米倉山由中巴通

入閬州卽此「通鑑」胡三省註巴之北境有米倉山下視興元實孔道也

按「舊志」米倉山在縣北一百四十里一名大巴山「府志」在縣北

八十里計里各殊莫知定所據「府志」載米倉關舊置小巴山後徙大巴

之麓是山當在關壩河以北爲是

分支西南下參差如鹿角形第一支爲靈官塘山山脈第

二支爲光霧山山脈第三支爲兩角山山脈

王經芳米倉山詩

可是量沙夜唱來胡然猛將陣雲開若教煮石供儲餉笑煞曹家渴望梅

天柱峯在縣北一百三十里爲米倉山別支南行多水田高峯孤聳

舊呼關爺寨再

南訖於珠泉峯

昔有僧於山罅泉中浮蚌獲大珠今呼珠池壩見岳度洋潭記

龍神殿山在縣北一百六十里自米倉山東來為一高嶺巴漢通過之要道地勢

高頗

靈官塘山在縣北一百里自龍神殿山來為米倉山第一支頂微凹屈曲數里石罅間洩泉紛瀉

淙淙而下溉田數百畝別出者有牛心寨山

龍池山在縣北七十里自靈官塘轉而東南行巘岫峯巒遞起經鐵廠坪小高

原勢忽至此深莫測間有水族游泳巖冬中心無冰不溢不涸

大白巖山在縣北五十里脈連龍池山巖側有石門中頗深窈澄潭危磴壯夫駭目盛夏泉冽隆冬則溫嘉慶七年按

察劉清帶鄉勇圍賊至巖扼要擒賊首李彬辛文民稱其地為奠安山

仙女山在縣北四十里今呼五女山脈連大白巖山上有五仙洞嶙峋五石異態殊凡相傳明萬歷間有

見五女列坐刺繡瞬息不見故名

中龍山在縣東北三十里今呼長嶺自仙女山來經李子壩勢則低降其半衍為豐隆

長嶺計二十里許有牌樓彎多岳氏古墓旋陡降而訖於中兩河口關壩河流溪河交匯處

南江縣志 第一編 山脈

以上靈官塘山山脈

光霧山在縣北一百四十里為米倉山第二支自龍神殿山經九角山層巒疊嶂迷離

紛至此一覽羣山萬壑一片蒼蒼漢通巴廣彷彿眼底白雲在壑夏日如冬披祇有天在上更無山與齊也相傳有老君煉丹處草木不生頂後蓮華峯巘巖矗立有晒經石峯凹斷裂處不能飛渡恰有古藤若笈謂之天橋異卉奇葩不可盡識雲霧常封真面目殊難快靚所謂天假神柄專其雄者歟

一名仙人山西南行為縣治主脈西出分支入廣元縣境

王經芳光霧山詩三昧緣何火未除至今春雨草全虛萬尋不礙清空處定有當年訪道書

香爐山在縣北八十里脈自光霧山西出稍稍向南略成拋左挾貫壩右挾中壩均為小

壩均為小壩高原經截賢嶺以追韓信得名銅包寨山勢至此孤峯特聳頂平左右斜垂洞每遇亢旱日潮二三次陰雨多則否山腹田原咸資灌溉西出之脈入廣元縣境東南行為縣治主脈

連珠山在縣北十五里俗呼轉頭山脈自香爐山東南行尖峯疊起至青壩子

迤北西出分支為兩角山迤南西出為聚奎山五星羅列一峯峻聳正幹則勢漸敦龐衍為甘溪壩小高原邈迤而來巒頂錯列恍若連珠中通古道迤南則若卑以自牧偕左右輔山而止於縣治

鳳喙山在縣北五里又名鷹嘴山縣治之左輔山也左倚几水有古琉璃關右有菖蒲湖舊志在縣東

北二里按古路由東門溝經菖蒲湖而上故較近稍北有圓山觀昔為接官廳稍南余公文泰祭田在焉石人山在鳳喙山迤南有立石如人高六尺許義東台在鳳喙山麓與東郭為層齒塚在焉

王經芳鳳喙山詩秋隼應難與鳳齊喙餘須共少陵題脚來丹詔知何日猶帶朝陽玉露啼

西佛山在西門外一里縣治右輔山也有新舊二佛寺昔為女尼住持今無存

胡開周西佛山詩乘興步山西崔嵬日與齊老僧忘歲月遊女迷高低胡開周西佛山詩名媛墓崖磨舊尹題夕陽歸路近芳草倍萋萋宋時桃三春墓

對崖有張雲行書天開蕊榜四字

以上光霧山山脈

兩角山在縣北五十里自香爐山脈東南行二十里許突向西橫起一峯中微

南江縣志 第一編 山脈

凸東西兩角並列崢嶸秀聳烟蘿布合蒼翠欲滴俗呼三角山迤西為孤雲山漢王子韶所謂

孤雲兩角去天一握即此按「通鑑」胡三省註興元之南有大行路通於巴州其路險峻三日而達於山頂其絕高處謂之孤雲兩角舊有石刻云漢蕭何追韓信到此下有水龍洞頗深遂早則潮水禱雨常應韓溪之源也

迤北為興龍寨明末土兵盤據清初平定之俗名青龍寨

王經芳兩角山詩豐沛功名未是難鄧侯先着在追韓水龍洞口時時漲疑是英雄淚不乾

岳貞過興龍寨詩停車過問興龍邱雲樹深深不可求部將營中棲暮欲將軍府裏喚寒鳩空餘半壁麒麟畫無復千羣豺虎遊回首

愴然成往事臨風獨上北山頭

孤雲山在縣北五十里一名韓山脈連兩角山較低大小三峯山腰路綫昔為巴漢要道

大寨坡山在縣西北四十里自孤雲山西來挾韓水東南行迴護縣治餘支向

西歧出若裙帶然訖於黃梁壩距縣治西南二十里

穀倉觀山在縣西南五十里自大寨坡山迤西分支南來起伏無常轉而東南

經土地壩細如蜂腰長可二里至此高聳巨峯上列三台古樹葱龍相傳昔年張道人白日飛昇遺有漏米崖迤南遞

降訖於羅坪河自孤雲山至此多為南廣分水脊

以上兩角山脈

安家山在縣西南八十里自廣元縣境延入之山也為縣北光霧山西出分支之一歷百餘里經迴龍山迤南五郎溝入縣境訖於沙河場

以上外縣延入餘支

南山在縣西為光霧山西出分支自廣元縣境延入縣治西南諸山主脈也

自

支西出峻嶺崇山延袤數百里至大旗山南出二細支曰分水嶺曰堡子嶺皆低秀異常南入南江縣境東西橫列二山山之陰若張褶 東為長池山脈西為龍感山脈

長池山脈起於南山自廣元縣境分水嶺來頂為三壩分脈三支曰東南山壩

脈曰西南山壩脈曰中南山壩脈

東西支短且少別支中支特長勢若瓜蔓延百餘里出境

東南山壩脈始於槐桿壩在縣西一百里

左為沙河右為几陽溪

迤西南惠民寨

舊名李家寨頂

平而方四面懸崖十餘仞周數里西北面可通行人嘉慶二年教匪陷縣城知縣裘良駿遷治於此修西北門及衙署倉獄民得安堵 迤東南

南江縣志

第一編 疆域

十二

一窩陳

地微凹居民多陳姓 歷高廟子諸葛寨

距縣西南一百一十里山勢斜立四壁峻拔惟東南一面可上有泉相傳武侯

管駐兵 於此 訖於沙河場之南

西南山壩脈自壩迤西為金子山在縣西一百六十里

尖峯秀聳荆棘蒼古昔人見有赤馬奔蹏追捕

無蹤疑金精發洩

迤南為天池寨

勢高峻東西崖壁如削北南面銳略似大龜有池積水清瑩古塞基址半存嘉慶三年復修

寨南有石筭高數百丈頂生三石各高百餘丈

訖於劉家梁之衝

三面峭壁東為天生橋西為羅家河

中南山壩脈自壩迤南為曾家寨在縣西一百四十里

層巒高聳兩足斜拖如鳥展翅 分東南

二支南支經三谷莊老姆壩又分東南二支東支為蓮池寨南支為中魁山

蓮池寨在縣西南一百三十里自老姆壩分支東南行至此

突結方山四面峭壁上戴土頂若肩

輿有 蓮池 迤東分支為慈榜山

第二高小校之對山

為玉堂山為慈竹壩訖於石龍

溝

中魁山在縣西南一百四十里自老姆壩南來

三面方正北面若睡貓最上層巒遠眺百里近山四出皆

若星拱低處多平原嘉慶三年參贊德楞泰殲賊千餘人於此更名扶龍寨

其南為雨臺山

雨臺山在縣西南一百四十里北連中魁山方正若台四面壁峭傳有宋時古刹已圯碑亦滅餘支南出訖於獅子頭

九頂山在縣西南一百六十里自中魁山南來經侯家梁別出為高鼻寨為周家坡長池要隘其附近地屬巴州至此橫列九頂西南訖於草石嶺下為三匯溪

蓮華石山在縣西南一百三十里自曾家寨分支東行為土門壩怪石聳立土色膏潤石上彷彿有字跡東為几迤東南至此細長如蜂腰至此平地突起一石頂平陽溪源西為長池源底方高十餘丈有小石森立遙望若蓮迤

東為薛家山

薛家山在縣西南一百二十里自蓮華石東來高巒特聳長池近山此為最大而雅麗稍遜別出為

羅台寨長池場後山圓山寨曲細廢縣之北

鼓樓寨山在縣西南一百一十五里自薛家山東南行經白頂子至此秀小圓峰矗立平原上有文昌宮松柏掩映鼓聲宏遠土人嘗藉以報警山麓田土膏腴溝洫縱橫南下為青區山橫列雙山子僅距百武分支東下為雲頂山南下為傅家壩陳橋寺壩有趙僧恢復寺產因更

南江縣志 第一編 山脈

名陳 橋 訖於黎家山

雲頂山在縣南一百八十里自雙山子分支南來經烏鴉池漸為大山數十里至此

頂圓而高雲霧常覆其上支脈歧出其著者為靈應山為龍耳山

龍耳山在縣西南二百五十里突兀高聳四面如一西麓有鶴池迤東為景雞

壩迤西為朱公壩昔朱公居此為化天壩有方寨古蹟嘉慶初為石龜

山

石龜山在縣西南二百八十里勢突聳頂側斜倚巨石欲伸仍縮故名

靈印山亦作靈應在縣南二百三十里自雲頂山分支東行為一細腰至此巨石撐

印上暨古廟勢險峻紆迴而上百里河山悉歸履底流丹迤南互為巴南接壤結巴中縣治訖於江口

以上南山山脈

龍感山山脈自廣元縣境普子嶺延入在縣西三百里為木門河以西主要山

脈分支四出
天矯敦龐

天馬山在縣西三百里脈連龍感山高低起伏飄然生動常有雲騰布似馬馳

奶頭寨山在縣西二百一十里自龍感山東來頂絕高寨下為玉聖壇

青龍寨山在縣西二百八十里自龍感山東來方長有巖上青龍字名青龍巖勢

龍與黑虎洞隔岸相望松柏蒼翠生動四時清風徐徐

九龍寨山在縣西二百九十里自龍感山東南來山脈歧出奔騰有雞鳴壇

魯班雞鳴時過此遺二石若龜有模糊字跡里人建祠祀之

清汪恩雞鳴壇詩古木臥斜暉荒祠入翠微風來林鳥噪想是木鷲飛

玉鳳壇在縣西南二百九十里自龍感山西南來兩峯高低遞登如鳳覆地中

巴儀有文昌古刹碑載正德七年宋吳壇上鄉省祭官妻馬氏及某氏立嘉慶三年雒姓避賊於此倡首重新廟貌

撲船嶺在縣西二百四十里平地突起土梁兩頭方直中豐隆長十餘丈形如覆船腰有井泉居民強悍輩出

玉女山在縣西南三百三十里自龍感山東南來勢如鳳東有雪嶺南有洞山九龍繞其北玉井在其西

南江縣志 第一編 山脈

有玉井寺左有小溝大石刻玉井二字今尙存

雪山在縣西南二百六十里自九龍山南來小頂尖峭高與圓頂山遙峙常有烟雲氣旋繞於嶺霜降時雪先羣

峯而停融解亦遲有真武古廟佛座尙存末支有壁陡巖與鎮子場相望高數百丈隔岸仰止截絕壁立欲從莫由居民避賊鑽穴而入

層疊幽深足保無虞

高觀山在縣西南二百七十里自九龍山來形如連珠兩巒對峙千里環山盡出指下有籍聖觀下有勝樓坪

訖於毛水口入巴中境

以上龍感山脈

南江縣志第一編

河流志

南江縣通舟之河三日難江水自北而南中日明水自北而南轉而西日木門

河自西而東南西不通舟而流域遠之河一日七眼洞河自東北而西南

難江水亦稱几水舊名關壩河巴江之源也一統志巴江源出大巴嶺至巴

南江大巴山至巴州東南分流復合自大巴山發源船山米倉山之經陳家

峽西南流關壩河折而南三十里為洋潭河詳岳度洋潭山水記折而西南十里至銀杏

壩上兩河口之水自北入源出龍神南流屈曲四為鹽井堡兩岸有水自穴

氣如循小巫山西麓十五經紅鯉洞一統志十二峯下游有蓮華峯有石

名紅鯉洞自此而為切刀崖鷓子崖東水如帶至龍門潭山麓巨石洞若

深莫測折而西行數復南流為鞍子塘馬尿溪共二十至中兩河口中龍山

以上曰關壩河流溪水自西北入源出光霧山東南流經楊家壩虎溪循經

南江縣志 第一編 河流

碾盤壩南流至琉璃關折而東至沙溪壩西南流至縣治東菖蒲澗水自北

入菖蒲澗分環治城三面西門溝水自北入循公山塔山之麓波流委折形

几水自此而屈曲南下距縣治韓溪水自西北入源出兩角山韓山下循聚

流五十又南流十里經王爺壩迤南至鎮江廟曾溪水自北入源出大寨坡

家壩過路灘曲流若九循穀倉觀山東麓經龍門峽怪石蹲踞橫縱十餘丈

湧碧翻舟通一龍坑石灰窰三處均至石人鋪歷五十轉而西流十里羅溪

綫俗呼石卵壩險灘之小水自北入源出光霧山西廣元縣境歷通木河鴛鴦峽響水洞迤

坪河一西南流十里沙河之水自北入源出廣元縣境自大河壩歷寨壩河五郎廟溪

餘里至沙河場入難江

難江水自此始大舟楫始利折向東南几陽溪源出東南山岫劉家溝歷白構

林溪相繼自西入歷三十至赤溪場轉而南十餘經馬掌鋪稍稍東南流十二

餘至下兩河口來龍山麓以上為明水自東北來會

難江水下流為巴江

明水源於船山東麓一名南陡河或稱南屯河又名沙壩河自沙壩南流十至咸

豐橋轉而西流二十至西清橋下流三溪河自東入有綠水堰源為石穴

流相並二穴湧有深潭多木葉魚下轉而北麻柳灣水自北入而西而南十餘為長灘河土灘河

在小巫山東麓歷二十餘里至小巫峽當樺林關之麓兩岸峭壁千尋寥天一布蒼枝

澄潭喧瀨咫尺殊景洵奇觀也惜地處幽僻倒掛勁幹橫空小猿號躍其上怪石嶙峋其間

選勝者多不之及上游有洞產洋魚甚富峽南至沙灘有觀音崖

水自東北入曲流經趕場溪二十糖房壩有井壩水自西入迴環東南流

三十至官路口有九曲水自東北入又稍東南流四十至興馬坎有馬鹿灘

小河溝諸水自東入曲折南流三十至大河口有北院寺水三源合自東

入水勢漸大西南流十龍門溪自東入流二至石板灘關門河自西北入

源出三溪寺經關南流十陳家河自東入流二至乾河壩油房河自東入

門場流六十里源出張公塘楊家溝改漿河自西入源出後下流二至神潭溪姚家壩河

匯吳家壩諸溪水匯仁通坪自東南入諸溪西流十至滑溪口長灘河自南入諸溪經猪捲

南江縣志 第一編 河流 十六

門河中橫一石梁近與難江水會於下兩河口

自難江水明水合流江面漸闊舟行甚利曲折南流三十至元潭瀘為東

南流十餘入巴中境再曲折南流二十為青灘為八字灘皆灘之最險為

淺灘子水漸平闊流至巴中縣治

木門河一稱清水江源於廣元縣東境歷麻柳壩三家壩一府志一稱北水口

自此可通小舟至牛鼻驛縣屬羅家河自北入至木門場入縣境小兩河口源出廣

火驛河源出金台寺自西合入東南流三十至雞鳴埡折向西南三匯溪

水自北入源出雨台至和平場東南流三十長池水自北入源出土門壩

長池為曲細縣故址潭水屈曲里許四至吠澮絡繹溉田千頃東南流經沙

溪場會傅家壩水折而南會長灘河陳橋寺同家寨水為黑水潭淵深黝黑

故名折而南會硝洞溝水溝路甚狹兩旁皆山洞寬廣深二里許積水澄澈

產魚極美入不敢入洞外有觀音像頂禮者絡繹不絕會長池水至拱橋河

計百餘里復東南流八十經石龍峽兩岸峻山夾峙中有二石如鹽溪河

鎮子場長灘河桑樹壩地勢寬廣相傳至毛水口有三汊河水自西北入源

出白山寺曲流入蒼溪巴中境數十里復東南入縣境一源南流至恩陽河
出九龍場經新場曲折東南流至三汊河合流入木門河
入巴中縣界東南流至三江口與巴江合

七眼洞河一名百頭灘河源於大小巴山之間自大壩關西南流納諸壑水至

焦家河在桃源寺南巴漢通過之要道水勢漸大至兩河口有磺廠河自北入源出陝境廟壩經城壩崖

古漢平關舊龍洞河自東入至百頭灘鱗泉多派流出就中大者七洞富產洋魚甲於縣境或謂為潛水之

一紙廠壩水自北入歷百餘里西南入廣元縣境

衛道凝南江山水道里記南江在萬山中深窳密箐統計東行約百餘里及於通江西行三百里有奇始界蒼溪南之抵巴地

也必須二日有半而北至青羌之交不下三四日乃達有力者不能至非因

湖溪澗之中足長涉流或攀偏崖而上手必掛石非強有力者不能至非因

公查踏尤不能至宜乎山川疆域茫然莫悉其概也予居此數年因公遍歷

脈絡心識不難口授指畫何則江南之水凡三而巳其自陝南鄭縣發源者

大小巴山溪水流入關壩如謂之小水十餘股經中魁米倉九龍諸山下四十五

南江縣志

第一編

河流

羣流五十里至大場溪過孤雲嶺兩角山至龍門溪歷石板潭至神潭場溪流
興馬坎復流於巴江為城東方百里之內諸水也其在城右西北方二百里外
入兩河口合於金台寺受天馬雪山諸水者並出南江而入巴境始竟濫觴終
者曰火驛河源出金台寺受天馬雪山諸水者並出南江而入巴境始竟濫觴終
里至鎮子壩受蔡家河石龍溝諸水者並出南江而入巴境始竟濫觴終
地乃通船隻下總匯三江口焉此三水者並出南江而入巴境始竟濫觴終
及方舟綿互四百餘山多則疊嶂層巒記不勝記地僻則賢蹤莫至傳之目矣
夫南江地僻而多山多則疊嶂層巒記不勝記地僻則賢蹤莫至傳之目矣
傳故雖通志之詳而略無所載焉雖然奮興能為不朽以南負此山川
蜿蜒磅礪終為鍾靈發祥之壤後之人條然奮興能為不朽以南負此山川
之秀異焉是在此地之卓然
自立者我輩宦遊未能與也
按記中間有訛誤縣境小巫山當以岳度洋潭記所稱為是度居近小巫山其
言自確詳山脈志孤雲兩角據通鑑胡三省註此二山必不在趕場溪以下分
詳在兩河口上游也詳山脈志合更正

南江縣志第一編

關隘志 寨堡附

琉璃關在縣東北五里礪山帶河巨石錯立中間

樺林關在縣東北八十里

貴民關在縣東北一百二十里截業排管十餘里中通要道

木竹關在縣北一百七十里一名木竹坵地勢高當通南分界處

樗林關在縣北六十五里俗呼小關子兩山夾峙懸崖為道兩面盤旋而上有高屋建瓴之勢

梧桐關塗輪鎮均與樗林列峙按今小關子南有三關壩蓋因樗林梧桐塗輪為名猶關壩因米倉巴峪等關為名也

米倉關在縣北一百七十里舊置小巴山後徙大巴山之麓明嘉靖八年重修置巡司清裁按

巴中縣西北五十里舊亦有米倉關

巴峪關在大小巴山之間接連陝西南鄭縣明嘉靖間廉訪使楊舜源建舊設駐防兵及大壩巡檢清初廢

大壩關在巴峪關之南明設巡檢一後廢清初就舊址設塘房三楹旋亦廢俗稱大巴關

南江縣志 第一編 關隘

漢平關在縣北二百三十里今呼城牆崖在七眼河以北桃園寺之西為漢中至木門之要道

蟒潭隘在縣北一百五十里

雄尖子在縣北一百七十五里距龍神殿北十五里懸崖絕壁扼守最易

柏林堡在縣北五十里

雞巷子在縣東北一百二十里東西懸崖蔽日中有要道盤紆里許

分水嶺在縣東一百一十五里為通江入縣境之要道

烏龍隘在縣東南一百三十里亦名烏林壩為通江入縣境之要道

兩河口堡在縣南一百五十里二水交流三山對峙磴道盤紆互為犄角

硝洞溝在縣西南一百六十里兩山夾峙中通狹道有洞深闊人不敢入

木門在縣西一百八十里南廣蒼巴之衝山水交會之地宜於重兵扼守之

按縣境之關除巴峪米倉大壩等舊為甃石所成外餘皆以天然者名之曰關實與隘無異然防守得法效且倍之矣

諸葛寨在縣西南一百里沙河場西山勢斜立高五十餘丈可容萬人四壁峻拔惟一而可上其頂有泉相傳

武侯營駐兵於此

羅臺寨在縣西南一百二十里長池北形圓可容數百人明萬歷間建有古佛殿鐘聲達數十里嘉慶初土人擊鐘為信號以賊防

鼓樓寨在縣西南一百二十里長池北形勢同羅臺寨明萬歷間建有文昌宮鼓聲宏遠與羅臺鐘相接教匪至時諸寨守望相助炮鼓四達賊不敢逼

蓮池寨在縣西南一百三十里長池北山形如印四面峭壁上有池營生瑞蓮一莖二花故名嘉慶初知縣裘良駿督民修築上建總糧台以備防匪之用

方山寨在縣西南三百二十里雄關方突上有關帝廟神像高六尺許相傳昔神像推前賊遂遁故彥昭有力士風今神像尚存

龍耳寨在縣西南二百五十里朱公場北勢突兀四圍如一盤生楊濛嘗於此紮寨貯糧禦匪

得勝寨在縣西南一百四十里舊名高鼻寨侯家梁北距中魁山二里高數十丈頂平而長嘉慶五年官兵殲賊於此改名得勝

南江縣志

第一編 關隘

惠民寨在縣西一百二十里舊名李家寨長池北頂平而方四面懸崖高二十餘丈周數里惟西北面可上嘉慶二年教匪陷縣城知縣裘良駿遷治於此民得安堵

曹家寨在縣西一百十里長池西北層巒高聳斜拖兩足如鳥展翅

青龍寨在縣西二百八十里方長高闊居民陳心琴曾於此紮寨貯糧禦匪

九龍寨在縣西二百九十里明嘉靖間居民紮寨於此寨下有明嘉靖間勅封楊將軍彥昭字有碑刻明勅封楊將軍彥昭字

奶頭寨在縣西二百一十里禹門場西下為玉壘自下而上山脊若鋸齒有寨門三十二頂絕高出谷可四百擔

天池寨在縣西一百七十里金子山之南東西峭壁北南面銳頂有池積水清瑩嘉慶初就古址重修

鳳凰寨在縣北一百五十里勢陡起頂方而平有古寨舊跡里許有鳳凰庵

三級寨在縣北九十里三山連屬崢嶸秀聳

興隆寨在縣北九十里俗呼青龍寨平河場東明末土匪盤據清初平定之

牛心寨在縣北六十里楊家壩東以形似名也

馬鹿寨在縣東一百一十里俗呼馬耳寨與馬場北昔有大鹿若馬故名上為斜面形可容萬人四面峭壁前後有

小路可上側有深洞民國八年防軍與教匪戰於此

趙公寨在縣東南一百二十里與馬場東

石人寨在縣東南一百二十里大河口東寨門外有石屹立若守衛者然民國八年民團殲教匪多人於此

大寨在縣南一百四十里神潭溪東突兀撐雲足容萬人清教匪之亂近鄉咸於此避難

太平寨二一在縣南一百八十里元潭一在縣南七十里關門場東

五包寨在縣南一百六十里下兩河口東

大小二寨在縣南二十五里塔山後


五台寨在縣南一百里八廟場西

火炎寨在縣南一百里八廟場東

桂香寨在縣南一百二十里晏山塚高原中

李子寨在縣南一百二十五里桂香寨南

音城



南江縣志第一編

城市志

南江縣舊無城明正德間知縣沈鏞始砌石城高一丈一尺周二里三分計四百一十四丈池深一丈廣一丈東西南三門明末圯

清康熙初重修嘉慶二年燬暫遷治於惠民寨二十五年四川總督蔣攸銑

奏請重修署令羅德嚴即舊基礎築周圍三百七十二丈二尺高一丈三尺

寬一丈六尺環江為池東西南門三曰迎暉南北礮臺一各門鑄大

節錄四川總督蔣攸銑原奏奏為動項修築城垣恭摺奏聞伏祈聖鑒事竊

會奏教匪軍務善後事宜案內曾將通江南江太平東鄉巴州五廳州縣應
建城垣請俟民力漸紓帑項充裕陸續興修在案嗣東鄉縣城已修列
入完固項下巴城亦已捐修未報工竣太平雖未興修本有土城尚可
惟通江南江二縣地瘠民貧難以勸捐迄今尚未興修而界連陝省山路
雜急須建築城垣方足以資捍衛據署通江縣知縣楊國棟南江縣知
學陶勳估具稟請修當批以資捍衛據署通江縣知縣楊國棟南江縣知
桂前往確勘該守等勘得南江縣舊城基址山水環抱頗得形勢四至亦
適中嘉慶二年因無城可守猝被賊匪焚掠士民俱遷居惠民寨嗣因寨居

南江縣志

第一編

城市

不便旋即移回今已日久安居自應仍在舊治修復丈明城基共長三百七
十二丈二尺城身外面高一丈三三三三三三三三三三三三三三三三
丈六尺頂寬一丈二尺東西南三門城樓三座城臺三座北面高四尺底寬一
舊基坍塌未盡處所存高一丈二尺至三四尺不等寬二三尺至四五尺不
折創舊土三成添新土七成共估銀二萬八千九百兩零此內南江縣較通
江縣短少二百餘丈而估銀減少無幾因通江取石較近南江取石較遠例
價多少不同估銀難以畫一籌情稟請奏明在於存貯捐監項下開支給領
復經部議另籌款項續奏另籌別項動撥奏明內閣奉諭該督查明該省
現有扣存一款即以動撥所有南江縣城工估需銀二萬八千九
百兩零著准其即於此款內照數支給領興工該部知道欽此
按縣治周圍基址不啻為一大巖石因其勢而城之疊石不二勿收效擬百雉
其穩固雄壯可謂天造地設又南環几水東西兩溝貼近城根雖方城漢水之
險何多讓焉然城內土厚而乏原泉城外公山梓潼宮西佛諸
山僅隔一衣帶水據山而瞰如視盪底此又險不足恃者也

城內街道彷彿若英文橫字其一條橫列者為東街西街正街一條斜拖者

為南大街天主堂街街甚狹俗呼小街子縱連其間者為小南街其北面枕山者為縣

署署後除倉廩外多為隙地

城外祇濱江長街一約二里有奇東門外為東臺梁街水碼頭巷東河街關岳

廟街南門外為南門口街禹王宮街由南門口街直達几江者為王爺廟巷

西門外為五馬橋街沿西門溝者為迴龍橋巷直接禹王宮街者為迴龍橋街麻柳灣街奎星街其他小巷不備列

自奎星街而西有半環於橫梁之街者曰板凳埕歷為迎送官僚之所

按城內街址特高自昔商務不盛城外附近東南門之河街水陸利便商賈雲集惟時遭回祿蓋由來舊矣

南江場市分屬九區

第一區

石礦壩四十里 二期五八期

流溪壩三十里 一期四七期

第二區

趕場溪五十里 二期五八期

楊家壩六十里 二期五八期

平河場九十里 三期六九期

橋亭場六十里 一期四七期

官路口七十里 一期四七期

黑崖場七十里 三期六九期

第三區

貴門關一百二十里 二期五八期

沙壩場一百五十里 一期七四期

西清橋一百四十里 三期六九期

關壩場一百五十里 二期五八期

桃園寺二百里

上兩河口一百一十里 三期六九期

百頭灘二百一十里 二期五八期

第四區

大河口九十里 二期五八期

興馬坎一百一十里 二期五八期

關門場六十里 二期五八期

貴和場九十里 一期四七期

石板灘一百里 三期六九期

神潭溪一百三十里 一期七四期

第五區

元潭場一百八十里 二期五八期

下兩河口一百五十里 三期六九期

李子埕一百七十里 三期四七期

柏楊廟二十里 二期五八期

石門寺二百一十里 三期六九期

針匠埕二百四十五里 一期七四期

靈山場二百一十里三期九期

通木埡二百六十里

第六區

八廟場九十里七期四期

赤溪場一百一十里二期八期

馬掌鋪一百三十里七期四期

沙河場九十里三期九期

新店子七十里三期六期

第七區

長池場一百二十里二期八期

黑水潭一百八十里三期九期

興隆場一百五十里七期四期

文星場一百二十里二期八期

沙溪場一百五十里七期四期

第八區

鎮子場二百一十里二期八期

朱公埡二百三十里三期九期

錦雞埡二百一十里三期九期

復興場二百五十里七期四期

南江縣志

第一編 城市

東興場二百六十里三期九期

恩陽河二百八十里

第九區

九龍場二百四十里七期四期

黃木埡二百六十里七期四期

青龍場一百八十里二期八期

新場二百十里三期九期

太平場一百五十里二期八期

南江縣志第一編

衙署志

南江縣署在城內正北基址特高明正德中重建歷久頽敗康熙六年知縣王來鐘重修乾隆四十六年知縣楊榮補修基址仍舊而規模較前壯麗自大門至三堂俱煥然可觀署後最高之處築高臺一下周以曲欄外遍栽桃柳蒼茫令人應接不暇嘉慶二年燬於賊二十二年請修城工三鄉士民捐資新修縣署與學署廳署駐防署並建今縣署大門儀門為同治十二年知縣何詒孫重修

管獄署在縣署大門內西偏舊為典史署今漸圯

征收局在治東門內正東街舊為賓興館歲納租入於勸學所

烟酒公賣監察所在治東門內正東街中華民國七年成立租民房

勸學所在治東孔廟右舊為教諭署中華民國二年改

南江縣志 第一編 衙署

實業所在城內小南街

地方稅收支所在治東門內正東街中華民國十一年成立租民房

團練局在城內正街民國元年成立租民房

警察所舊就校士館前後廳事改設今廢現為各軍駐防處

訓導廢署在治南門內正南街今改為女學校

把總廢署在治南門內今僅存基址已售入民間

監獄在縣署大門內右偏

南江縣志第一編

交通志 道路 橋梁 郵遞

道路

北至南鄭路二支綫三

一由治城里馬躍溪四十橋亭場三十廟埡十五上兩河口東有支綫入南鄭五十里

龍神殿西有支綫入褒城雄尖子二十里桃園寺十八里鐵爐壩二台上南

鄭縣界一百南鄭縣

此路綫為近今入南鄭之要道距治十里碾盤壩至上兩河口共涉水二十四道再北距桃園寺數里焦家河一道處處險阻並無石橋中僅碾盤壩有渡夏月行旅隨處裹足另有支綫一自治城東台分路至龍神殿合可省涉水二十餘道餘概踰山越嶺

支綫自上兩河口下游許銀杏壩向東北行四十里關壩三十里米倉關四十里大壩三十里

巴峪關二十里關倉坪接南鄭界一百四十里南鄭縣

此路綫為漢代米倉道通鑑胡三省註云巴之北境有米倉山下觀興元實孔道也崇山峻嶺野獸繁殖大壩一帶鮮有居民故今行旅絕少

南江縣志

第一編

交通

二十五

又支綫自龍神殿北五塊石向西行二十里彭家壩四十里窑房崖三十里磺廠河接

城縣自窑房崖分路西南行三十里七眼洞三十里白頭灘四十里城牆崖古漢平關接南

四十活佛溝接廣元縣界白頭灘分路北行四十里城牆崖鄭縣界為昔年

自漢入川之要道南通黎坪接沔縣褒城甯羌廣元諸縣界

又支綫自治城北行三十里甘溪壩二十里楊家壩二十里牡丹園二十里靈官塘三十

里龍神殿又自治城東北行十里碾盤壩二十里流溪壩三十里楊家壩此綫夏

亦交流行旅不便

二由治城里馬躍溪稍東北行三十里趕場溪三十里蔡家溝四十里貴民關三十

沙壩里木竹關接通江縣界一百里界牌接南鄭縣界一百三十里南鄭縣

此路綫亦近今入南鄭縣之要道概屬山路距縣六十里觀音崖一帶皆險途貴民關附近及木竹壩皆老林

岳光虞改修觀音崖道路紀事蜀北接漢南平陂相迤邐不患路不平患無

前徒步行且止亂石露峻嶒荆棘刺衣履杖藜力居多勉强越山驚過此更崎嶇九折差堪擬荒徑傍崖沿俯首何敢視悚慄復戰兢一墜恐無底匍匐

半山腰依稀白雲裏瞥見普陀崖鞠躬禮三十里顛危賴扶持莫使若或使直
抵黃木埡已過青塢子回首衆峯低屈指三十里吁嗟蜀道難莫難於此
轉移待何人石公輝山氏進與石公謀公慨然曰唯精衛海可填愚公山可
徙有志事竟成似難不難矣倡首自傾囊募衆咸喜集成數百金改修何
能已疇昔苦登山今茲平依水處知相似弓今幸不矢此去即康
莊畏途焉用彼願告往來人到南鄭縣亦爲漢時自漢入川要道通鑑胡三
此外尚有北路一自治城西韓溪入南鄭縣亦爲漢時自漢入川要道通鑑胡三
接南鄭界復經廟壩喜神壩而入南鄭縣亦爲漢時自漢入川要道通鑑胡三
絕高處謂之孤雲兩角去天一握今此道不通久矣故不另誌其里數

南至巴中路一

由治城二十鎮江廟五里東榆鋪里十石礦壩里二十棕園子五里二洞橋有支

赤溪場天生橋里五羅坪河里十沙河場里二十寡婦橋里十赤溪場里十淘金灘

里馬掌鋪里二十下兩河口里二十涼水井里十元潭里六十里巴中縣自

二洞橋南石灰窰分路行捷路八廟壩里二十赤溪場

此路綫爲自縣入巴中之要道明知縣楊某沿路植柏以護山徑江水險惡
自古舟楫不通清道光間知縣胡炳集款疏之自是水陸俱便按府志大
巴山之麓有米倉關此路或即漢代米倉道之南路

南江縣志 第一編 交通

胡炳疏河記 南江舊名難江言不通舟楫問之土人則習與相忘久矣夫

南江既治於此商賈之輻湊行旅之往來有無之與氓江合流以入於海其
矣而無濟於事且江自光木山發源東南行而與氓江合流以入於海其
濛濛之憾也若云濛濛大難險阻有過於夔巫之間者因其難而難之天
互古之一憾也若云濛濛大難險阻有過於夔巫之間者因其難而難之天
下無不難之事矣昔神禹導江岷山蓋亦泛梗塞莫測涯淡今舟行江
中乃至神斤鬼斧所不能施者獲利涉焉惟先不憚其難是以後世享其
成功可矧區區石乃大安能忍而與之終古耶去年冬嘗試其事鑿石淘沙小
舟可泊城下既乃大安能忍而與之終古耶去年冬嘗試其事鑿石淘沙小
二成百有奇城中士民胥役釀錢四十餘年可以汎舟而互糴所謂一勞而永逸
功成費而百省者此舉是也民間樂
其成因而記其事之所由始如此

東至通江路二

一由治城五里甑子壩五里糖房壩里二十大顯崖里十官路口爲南通巴漢

處三官田壩接通江縣界通江縣

岳虞詢南江東道修路碑記 南邑於蜀蓋彈丸之黑子也治設在藍

層巒絕巘蔚嶽攀躋雲霄嶺山煙谷僅可通軌心搖而往通江之大

渠上接漢沔其間鳥插天巉崖壁立迂迴峭峻目悸心搖而往通江之大

險崖為甚其間萬壑爭流山漲奔騰震動天地而往通江之南屯河為甚
大險崖一帶舊為羊腸峭壁側立千尺人不敢比肩馬不能並駕歷來失
性命者不知幾許南屯水道舊有舟楫守吏為裁減遂至慈航無葦飛渡
無術歷來墜壑而浮者又不知幾許南邑之人袂雲汗雨擊摩累累究無
發大慈悲憤然大施捨以闢其路渡其流烏可無渡乃為鑽石而拔人之厄於流
者獨張子憤然自是途烏可不修流烏可無渡乃為鑽石而拔人之厄於流
之民登越之慘而又為之徒杠輿梁使人無臨深履薄之危迄今通巴南廣
之德利賴無窮而坦如臨其江而躍如往來其中而欣如則張子之功之力
凡用糧糗若干工石資若干皆捐自張子之家出自張子之囊而毫不以
粒米寸絲及於冥穆之中垂青張子之善錫以多福爰昌厥後天之報愧
於天而天亦於冥穆之中垂青張子之善錫以多福爰昌厥後天之報愧
張子又何其功德在即有張子之名譽在張子故稱不朽而後張子之欲為張
即有張子之功德在即有張子之名譽在張子故稱不朽而後張子之欲為張
子者亦並不朽也予故表而出之所以美張
子兼以勵後來之為張子者渤海吳道行書

一由治城東南行二十里高家壩里二十三溪寺里二十關門場里十五太平山里十五大

河口里十北院寺里二十范家山里一百六十通江縣

此上二路線在縣境者率皆踰山越嶺至通江縣境則漸趨平坦

西至廣元路一

南江縣志 第一編 交通

由治城四十土地壩接廣元縣界一百八十里百丈關屬廣元分司距廣元

此路線自治城至廣元境皆山坡小徑至百丈關則一往康莊

西南至廣元路一

由治城九十里沙河子里三十長池場里三十分水嶺入廣元縣境九十五里百丈關

此路線較坦直

西南至閬中路一

由治城一百八十里木門里八十黃木壩接蒼溪縣界一百一十里閬中縣

此路線為至閬中之小路跋涉維艱旅店絕少

西南至巴中恩陽河路一

由治城一百二十長池場里三十沙溪場里二十鹽溪河里十二鎮子場五里十桑樹

壩里十七毛水口里十八恩陽河縣界

巴中至南鄭經過縣境路一

由巴中縣西北行六十里元潭入縣境三十里下兩河口三十里神潭溪三十里石板灘五十里
龍門溪十五里大河口三十里興馬場十二里五壩二十里官路口三十里黑崖
場二十里雞巷子二十里大樹壩三十里貴民關五十里木竹關接通江縣界南
鄭縣

此路綫自官路口以下皆沿河為道
大河口以下能通小舟餘皆山嶺

巴中至廣元經過縣境路一

由巴中縣西行二十五里東興場入縣境二十里福興場四十里鎮子場十二里鹽溪河十里

龍溝二十里雞鳴埡二十里木門接廣元縣界

此路綫中木門為巴漢南廣
蒼園之衝亦水陸交會之地

西南至保甯閬中縣五百六十里由小路至閬中四百七十里

西南至成都一千二百八十里

北至西安一千六百二十里

南江縣志 第一編 交通

東北至北京四千一百五十五里

橋梁

黃金橋在縣南十里

金玉橋即鎮江廟橋在縣南二十五里邑士傅文耀獨力捐修

石礦壩橋在縣南四十里

寡婦橋在縣南一百一十里相傳為某寡婦獨修

淘金灘橋在縣南一百二十里

大橋在縣南一百四十里

拱橋河橋在縣西南一百八十里邑士胡文壇何芝芳倡修

復興橋在縣西南一百四十里

凌雲橋在縣西南一百三十里

石板河橋在縣西南一百里邑士唐繩武獨力捐修

趕場溪橋在縣東五十里 楚人劉永林

北院寺橋在縣東南一百里 通邑闔心

龍門溪橋在縣南一百一十五里 邑士鄭秀文倡修

李炳南龍門橋碑記 大河口之下流十五里有溪曰龍門以山勢蜿蜒溪
盈溝滄行旅病涉里人議建橋梁以功程浩大未果鄭公眉山先生奮然
曰平地為山視其所志禹鑿龍門只是克勤耳諸公任勞愚任其怨時光
緒甲申余主講公山書院眉山寄以簿函囑轉請印押旋即邀集親鄰鳩
工採石成踴躍經營不受薪水樂善好施者皆大歡喜越乙酉十月落成
約計兩載費二千金即名曰龍門橋橫列三洞蔽以橋亭像鎮江王刊碑
勒名永言保之不驚不崩蓋是役也非諸公不能成其事非眉山不能集
其成異日都人士掇巍科拖青紫駟馬高車而過者相觀而歎曰此
某某毅力精心相與克成故能俾吾人效河鯉之登也豈不懿歟

縣境義渡所在有之已詳慈善志茲不贅列

南江舊設鋪遞原額二十一鋪清中葉改歸七鋪遞送往來文檄皆在縣城西
南通府之道東北俱係山徑險阻不通大道未設

南江縣志 第一編 交通

底塘鋪 在縣城外

石灰鋪 在縣南六十里

淘金鋪 在縣南一百二十里

元潭鋪 在縣南一百八十里

東榆鋪 在縣南三十里

沙河鋪 在縣南九十里

柏楊鋪 在縣南一百五十里

舊設司兵十四名清季裁營制此制亦廢

南江郵局清末設置今在城內小南街嗣於沙河場元潭場設信箱長池場有
代辦處木門場亦有代辦處歸廣元郵局

南江縣志第一編

風俗志

舊志稱質樸勤農循禮守分近日市井間囂薄子弟恆思浮動風會使然至於進香祈神人無異議釀會設醮衆皆樂輸蓋教育未普及社會迷信一時難以革除也

富貴之家裘葛以時其餘則大布之衣蔽體而已間有衣文錦者用之賓客祭祀不常服也男女多以青布白布裹頭農民終歲草屨士族襪履恆由婦女自製鮮有購自坊間者

貧人多食雜糧芋薯取足度日即稍裕之家亦不過米飯園蔬佐以鹹菜常食肉者蓋鮮宴客之殺雞豚臘肉十品爲率其有山珍海錯誇鮮競美惟城市及鄉族之豪侈者然

房屋惟城市櫛比餘多分戶獨居瓦屋數間環以雜樹度原傍嶺風景殊佳惟

南江縣志

第一編

風俗

房舍不勤掃除窗牖鮮通光線蓋清潔衛生知講求者甚尠近亦逐漸改良矣

婚重六禮今惟略存其意媒說合後男家以簪珥之屬到女家開庚插香祀神謂之羅拜卜吉有日先數月預告婚期佐以衣飾女家略有贈答謂之報期及期不必親迎綵輿鼓樂迎女

女子將嫁之日女親聚哭一日數次綵輿到時哭聲尤縱

入門交拜合

盞後遍拜諸親擇白首齊眉子孫繁衍者夫婦二人開始謂之開拜以次拜畢始拜舅姑謂之收拜

舅姑以米二碗箸二雙並銀或錢分給意謂賜以食祿藉表惠愛也

舅姑已死則以

族戚之尊者代之聘儀厚薄從其宜不以貨財妝奩豐儉隨其力不取豪奢蓋猶有古風焉

喪禮貧家稱情而爲無繁文縟節富貴之家於將葬或家奠訃告親友定期受弔設筵款賓人情似不可廢弔客不論親疎悉裂素紗纏頭謂之散普孝則誇豪而未當禮至作佛事焚芻靈化紙錢士大夫家猶或不免習俗相沿所

應力爲矯正者也

民國改朔民間仍崇舊歷元旦男女早起祀神祖後遍拜尊長親友相見拱揖謂之拜年互相酬酢謂之春酒其至戚舊誼則隨情餽物登門叩賀盡月方止新歷年節所未有也其端午插蒲艾飲雄黃中元祀祖先焚紙錢中秋設供拜月一切皆仍其舊至踏青登高惟文士間有行之者

南江縣志第一編

宗教志 佛教 道教 耶教

佛教

南江縣佛教甚盛寺觀不下百餘所僧尼不下數百人近來社會迷信程度較減廟產復多提作學款寺觀香火浸衰僧侶亦漸凋零矣茲就寺觀現有僧尼住持者列表如左然彼輩往來無常此其大略而已

寺觀名稱	所在地點	所屬區域	距城里數	僧尼人數
晏山寺	晏山塚	六區	一百二十里	僧三
演禪寺	長池	七區	一百二十里	僧二
迴龍寺	坪河	二區	八十里	僧二
觀音寺	觀音寺	四區	一百一十里	僧二
廣覺寺	廣覺寺	八區	二百里	僧八
鼓樓寺	四嶺場	五區	一百八十里	僧一
雪山寺	雪山場	八區	二百六十里	僧一
龍耳山廟	龍耳山	八區	二百二十里	僧二
大佛寺	大佛寺	六區	八十里	僧七
下院寺	趕場溪	二區	五十里	僧六
青寶觀	八廟壩	六區	一百里	僧二
桂香寺	玉鑼寨	六區	一百二十里	僧二
雲屏寺	李子寨	六區	一百三十里	僧二
空山寺	文家樑	六區	一百二十里	僧一
中山寺	中山寺	六區	一百五十里	僧三
青渠府	袁山坪	六區	一百里	僧三
土寨廟	土寨子	六區	七十里	僧一

普照寺	陳家壩	六	區	九十里	僧	三
天生橋廟	羅坪河	六	區	九十里	僧	二
五祖廟	長池	七	區	一百三十里	僧	二
桃源寺	桃源寺	三	區	二百里	僧	二
琉璃寺	禹門場	九	區	一百八十里	僧	六
圓寶寺	圓寶山	四	區	一百一十里	尼	四
九龍寺	鹽井壩	三	區	七十里	僧	二
石虎寺	關路口	二	區	九十里	尼	四
鐵佛寺	縣城	一	區		僧	二
銅鈴寺	銅鈴山	四	區	一百四十里	尼	三
應靈寺	應靈山	五	區	二百一十里	僧	三
資聖寺	長池	七	區	一百三十里	僧	三
大顯寺	大顯巖	二	區	六十里	僧	二
龍洞寺	龍洞溝	四	區		僧	一
神水寺	麻石寨	四	區	一百里	僧	二
陳橋寺	帽子壩	七	區		僧	三
太平寺	太平山	四	區	七十里	僧	一
太平觀	太平山	四	區	七十里	僧	二
諸葛寨寺	徐家坪	六	區	一百里	尼	六
岐山寺	朱家山	四	區	一百一十里	僧	一
北極寺	范家山	四	區	一百二十里	僧	二
玉井寺		九	區	二百八十里	僧	一

道教

縣區道士雲遊無常自外來者較多寺觀常住者甚少茲載其常住者居士蓄髮修煉道教之支流也亦附載焉

寺觀名稱	所在地點	所屬區域	距城里數	道士人數
漆坪寺	趕場溪	二區	六十里	道士二
谷倉觀	谷倉山	一區	五十里	道士二
明心寺	楊家壩	二區	六十里	道士二
圓山寺	官壩場	三區	一百五十里	道士一
將軍廟	興馬坎	四區	八十里	道士一
九真殿	岳家壩	六區	一百一十里	道士二
高觀寺	高觀山	六區	一百里	道士三
西佛寺	西佛山	一區	一里	居士五
插旗寺	插旗子	六區	一百里	居士二
蓮臺寺	張公塘	四區	一百四十里	居士一
餘慶寺	柏壩場	五區	二百里	居士三
永平寺	永平寺	四區	九十里	居士四

按縣內有所謂道師者爲人祈神設醮及喪家作佛事蓋皆順應社會之迷信以謀衣食者其爲教亦道亦佛介乎二者之間不能確指爲何教也又有所謂經教者爲術與道師略同惟候像一事特異內容分二派一桂香科宗文昌一紫霞科宗關聖其爲教非道非佛自謂爲儒宗聖壇者也至所謂居士者專引誘良家婦女茹素修道名爲火宅修煉形跡詭異大爲人心風俗害此則宜加厲禁不得以信教自由寬假之

耶教

人民對於耶教之觀念甚薄惟清末天主教及民國七年福音教極一時之盛大都藉爲護符別有作用實非信教徒也近調查全縣奉教者約百餘人天主堂福音堂縣城各一所福音堂各市尤多有之然無中西教士常住時一往來而已

南江縣志第一編

古蹟志

難江故城卽今縣治

後周天和五年置以江水難涉故名隋大業二年以難江縣屬漢川郡置公山鎮熙甯五年縣屬巴州元至元二十年省入化成明正德中復於故址置縣改名南江按梁置難江縣乃盤道廢縣治在今巴中縣北

公山鎮故城在今縣治

互見前

集州故城在縣東几水外今孔廟地

梁大同中置東巴州於洋州界魏恭帝二年改曰集州以川爲名隋大業二年廢集州置公山鎮唐武德元年廢鎮復置集州天寶初改曰符陽郡乾元初復曰集州屬山南西道宋熙甯五年州廢

符陽廢郡在集州故城

互見前

平桑廢郡在縣西南相傳卽今桑樹壩

後周天和五年與集州難江縣分置隋開皇初廢唐武德元年析難江地置平桑縣屬集州貞觀元年省入難江

桑縣屬集州貞觀元年省入難江年復置六年又省入難江

曲細廢縣在縣西南今長池場南三里

後周置隋開皇末改名長池屬清化郡唐武德初改屬集州貞觀六年省入難江

南江縣志

第一編 古蹟

長池廢縣

互見前

大牟廢縣在縣西南漢葭萌縣地

唐志武德元年割清化西界置因縣東山爲名屬靜州貞觀十七年屬巴州永泰元年屬集州葭萌縣在今昭化縣一百三十里施店驛

按葭萌縣在今昭化縣一百三十里施店驛

惠民寨故城在縣西

亦名李家寨嘉慶二年教匪陷縣城知縣裘良駿暫遷治於此修西北門及衙署倉獄賊平移回舊治

清衛道凝募修李家寨夫子廟序

漢景帝時文翁爲蜀郡守於成都築石室以課士當時蜀士彬彬至於成石

作周公禮殿以祀先聖先師其時天下尙未有廟與學也至武帝崇尙儒術始令天下郡國皆立學而祀先聖先師是天下之廟與學實自蜀始唐以前聖廟以周公爲先聖南冕旒正位南向稱文宣公至開元中乃以孔子爲先聖加號文宣王冕旒正位南向而文宣公侯伯從祀宋元豐中又封孔子父叔梁紇爲肇聖公元武宗大德十年又加孔子號爲大成至聖文宣王並肖像祀明嘉靖九年用張聰議孔子不肖像稱王宜木主稱至聖先師從祀亦去公侯伯之號用木主稱先賢廟後立啓聖祠祀孔子三代防叔伯夏叔梁紇爲定焉南江嘉慶初年兵燹後徙治李家寨官署倉庫頗具獨先聖之廟踰二十年未舉春秋有事則寄位於關帝廟中誠缺典也記曰凡學春官釋奠於其先師秋冬亦如之又曰凡始立學者必釋奠於其先師及行事必舉大事必慎其終始而衆安得不喻焉嗚呼明則君子能毋敬與

舊縣壩在縣東二里 與古集州城隔江相對舊為春場壩有先農社稷壇今廢

州治時分時合舊縣壩當為最

初難江縣治姑附誌以備參考

威靈廟在縣南公山上

祀漢張魯唐天寶元年田彥識有記今磨滅舊址亦彷彿難辨清知縣孫清士題留青閣聯云秋草難尋張魯廟斷崖猶臥武功碑

公山廟在縣南二里今廢 其神為張真人七世孫嘗宣集州有惠政明

古佛龕在縣東台石壁上

龕內佛像大小共五尊高僅尺許龕外左首有磨崖古碑二通多殘缺龕內右側有石龕像銘字體近魏碑方八分許前學使張之洞迭經檄縣摹搨

唐崔無詖石龕像銘

石龕像銘 中大夫守集州刺史上柱國崔無詖詞淨其化為平混之不濁澄之不清得自內照失在外營法性難現方假虛形喻棧之妙為道之精惠燈分影思廣其口慈心普濟同歸此誠石規縱滅金容未傾將來過者善念恆盈萬歲之後魂依勝庭世乏英達當鑒徽音 開元二十五年歲次丁丑十月辛丑朔十四日甲寅造畢

菖蒲澗在縣治東門溝 地饒幽趣自唐以來代有石刻武功碑最為卓越字圓

開成四年十月口口日新開路十餘字體亦如之湖北有碧巖

南江縣志 第一編 古蹟

唐武功男子菖蒲澗記 自潭北入湖行經此新開路東不雷三百步其間

蒲印模履蹤捫手探足無非蒼翠幽禽皓皓飛泉渥渥若有異人仙客鼓瑟吹簫於洞穴之中使人心怡神怡然忘歸斯實方外之佳賞也噫自

有此澗杳無人蹤豈異夫浮世之事通塞有時耶令鑿崖為路梯石為徑連延抵於碧崖盤石之東究其澗分之所開成四年十月二十三日武功

男子記

清袁祖惠武功碑記 南江縣城東有唐人菖蒲澗記志未詳載予守斯土

涓涓穿隙走罅入湖嘉木垂陰鳥聲在林菖蒲披紛溼翠千疊選石納履

古苔染衣舊刻在蒼崖磐石之上別蘇捫蘿灌以流水覽其文想見當日

者勝今則逕冷烟寒更無人到湖分之所題字難尋記中所謂亭塞有於

其間者嘻道光丙午十月五日錢塘袁祖惠記同遊者

上元孔繼鈺胡世鈞拓記者江寧常馥合牽連得書

宋杜德機遊碧巖記 有宋政和改元清明後一日權縣事長安杜德機元

撫衣碧嵐屏石而坐解帶古牀幄雲而息然後掃開武功賢刻遊匪龍潭靈派忘名利途識烟霞鄉遲遲歸郭凡迴首也數矣時將赴九支令頗恨

得此 宋吳大年等置飲碧巖記 廣都蔣城吳大年古邨李椿秦亭師雄大梁趙

恂闔中馮時同谷米居約以紹興十八年九月

十有四日訪古菖蒲澗觀唐人武功子石刻置酒碧巖溪效柳子厚飲捐其籌爲一題名以投之或洄或止或沈皆賞惟直前無垣滯則免坐客率三四飲笑歌諧嬉終日乃罷

清王經芳菖蒲澗詩 菖蒲幽澗水潺湲有箇閑吟大歷間我亦東郊尋故事留連此地不知還

此外有淳熙甲辰紹興庚辰嘉定壬申游人題誌茲不備錄

太虛洞在縣東五里一名斷渠 山脈橫斷巨石倚疊洞戶紆迴藤蘿欽蔓昔人於此避兵遊人時至以考陵谷變遷

探梅石在縣東北五里 儀潘士政執禮厭次來高元敷攜樽探梅靖康丙午前

四月歲望 按今濱江有巨石其上曲池天然足爲流觴之飲字已湮

留青閣在縣東二里梓潼宮山 清咸豐知縣周瀚建翠柏森森山光明媚孫清

陽聯曰渴虹下飲菖蒲湖歸鴈低回麻柳灣

挹瀨軒在留青閣西 清光緒末年邑士傅文林建旁通曲徑俯瞰江城令人有漱石枕流之想

漢王臺在縣北二百里大巴山 臺廣數畝人在山之半昔有樵者入山見王者冕

之人謂張魯奔北至此或其遺物今人誤爲漢高帝爲立廟臺上祀之故有是名

南江縣志 第一編 古蹟

銅佛山在縣東北沙壩場東 十餘尊甚古今移平溪庵多就殘毀

靈應山銅佛在縣南二百三十里 普賢三尊高七尺許鑄自唐代

漆坪寺銅佛在縣東七十里 銅鑄地藏一尊高三尺許

銅人觀在縣南公山側 舊有銅鑄三佛像今失所在

鐵佛寺在治西門內 本立帝廟俗呼鐵佛寺明正德間邑令鄒倫建清嘉慶二

者十一鐵佛寺在縣東趕場溪北上 廟毀於兵遺鐵佛高丈許

清衛道凝募修鐵佛寺序 鐵佛寺者南江治西之古刹也治本漢葭萌縣

其地高山峻嶺磴道盤紆爲川北邊要隘地紀秦蜀之道有三一由陽平關至青川者曰陰平道鄧艾之入蜀由之一自葭萌出漢中者曰米倉道之取張魯由之南江即米倉道也城道狹隘孤城如斗中無餘地惟治有鐵佛寺之遺蹟在焉按碑文明萬曆中城多火災於此創立帝廟其像皆公良駿移駐李家寨後遂因仍相安踰二十年茲制軍蔣以南江爲川北門戶籲請建城調三匯丞羅侯德嚴來署縣事經理城工余時內佐羅侯見神像露處欲募葺之侯曰予志也即捐俸爲倡都人士亦各量力助工三月而復其舊焉爰序所以記於石云

鐵鼎在治西門內城隍廟 古鼎式上覆八面樓閣工頗精緻高一丈有奇徑二尺八寸清乾隆五十五年知縣楊榮鑄又穀倉觀靈

應山漆坪寺等廟均有鐵庫漸銷燬

鐵磴在治西門內城側 年鑄鐵佛餘汁範於此者

銅鐘在城外關岳廟內 古厚九分知縣汪恩有記

清汪恩銅鐘記 年溼署與寺不可復識居民劉姓葺茅數椽嘉慶十六年

二月四日地微坼兒童嬉戲墜物共掘土覓之金光燦燦深尺許得青銅鐘頂平身直高二尺四寸厚九分肩圍三尺五寸脣圍五尺二寸紐相承如連環四面受擊處如朶朶蓮花狀其色斑駁其聲鏗鏘自何代設自何處閱數百年興衰治亂而始見於荒烟蔓草之中可謂神矣邑人請移置關帝廟以迓神庥詳其巔末而為之記

銅鑄在縣西禹門場杜氏家藏 物上刻有杜勝二字

模型龜石在鐵佛寺龕下 為橫剖面二石龜背型一龜胸型一色黑而光潤歷久不消大徑尺昔於寺後剖石得之中有大龜逸去

神泉舊稱在治內照牆左側今無考 蜀集州刺史王暉被岐兵圍攻乏水掘地得泉故名嘉慶初猶有碑今並沒

古柏在縣南沿河口 明邑令楊某列植以表道去治二十里鎮江廟起至下兩河口止共百四十里疎密相間老幹參天大至數十圍多至四

南江縣志 第一編 古蹟

千餘株陟高憑眺恍若青龍惜無碑記可考

古琉璃關四字在縣東北五里 係八分體知縣孫清士題

天開蕊榜四字在縣南公山橫崖上 高四尺餘題云道光庚寅良月天中張雲行書荆門胡炳立前學使張之洞曾檄縣

取揚

誕敷文德四字在治南門內文昌宮 知縣張雲行書跋云

王公路三字在縣南赤溪路側崖石上 顏魯公道右筆勢適勁端嚴近

德星巖三字在縣南一百八十里王貢山左側 廣下有洞寬

集州兩角山記 刺史楊師謀書今佚

集州紫極宮記 兵部尚書牛仙客書今佚

石鼓峽記 刺史趙寅撰今佚

沙墳渡碑 一碑目考 在難江縣東門外唐集州刺史蘇味道題

漆坪寺碑在縣東七十里 古碑二座一刊真言十通紹興十二年壬戌造字體小模糊不能盡識一重修漆坪寺記明保甯進士陝

西布政司參
議劉光先撰

明劉光先重修保甯府巴州南江縣漆坪寺記

嘗考佛氏之興肇自西域至成周時教始倡於中夏

有論名曰萬緣入或有崇信之者尚未能盛行也延及漢世有封禪之舉唐時有佛骨之迎開元間詔天下郡縣各立禪寺佛教於是大行於中國自是而後尊信者日衆敬崇者日廣發菩提心後因日久傾圮至國朝成化六年復古重修其利仍舊後寺所居僧咸樂一缺數字一格兩去之焚穰者集之衆來者聚之繁且住持僧名宗托幼志禪學遠遊四方諮訪以更新原天下叢林舊跡未有不勝地惜殿宇傾頹缺人補修故留此文彬偕同比丘募化不二年復古基址惟仍其制煥然從乎其新可以至千萬世不朽與

校士館舊在縣署左

清光緒末改為警察局習

清謝元瀛南江校士館記

歲丙辰余攝雙流篆適書院傾圮余督紳士拓其事也今余蒞是邦會是邦有建造考棚之役既拓基於縣治之東偏倚城垣而度之其材則取諸邑之古柏柏林雖向係封禁然以公濟公未爲不可况其時大府尙未委勘奏覆故前高允准衆紳士所請采而用之甫立大堂數楹卽受瓜代余下車敬遵奏出示照舊紳士所請爲地費無資余亦勉從所請復召邦人士而勸其量力捐輸於完公舉其勸捐

南江縣志

第一編 古蹟

諭示及辦理條規余均悉心爲之冀其有動於民而可以不以不日而成也嗣醴錢若干緡得以此第舉於是大堂之後復建二堂一左一右耳房俱備以爲官閱卷之所並得而燕息焉大號舍之前拓以臺階壯觀瞻也其左東文場東文場之後曰東後廠凡列號舍共二十間其右曰西文場列號舍八間西文場之一座旁列兩房俾守文場之處焉儀門之外環以廂房各一左爲廂保畫押之所右爲親臨監督以是知董事頗勤而工不得惰焉凡閱起也此有奇而厥功告成余爲題其額曰掄秀堂勝其門曰校士館名從義起也此亦外一楹聯亦皆余所手制所以獎勵多士而寓校士館之意云爾嘻此亦公好義人文發祥之地與其制事較以異所可異者彼修此創也余均適逢其會焉亦不可謂非余之幸也余故樂爲之記咸豐九年孟春之月

申明旌善二亭在縣署儀門側

清光緒七年知

何鹿泉申明亭記

申明亭者申其罪而明之使人目睹心驚知罪法也堯

良莠並生聖世不免而刑政之設先王不得已而用之也前明洪武六年詔天下郡縣建申明亭於儀門之右鄉里則建於都會凡有作奸犯科者益其名罪揭於憲中使觀者咸知警戒當時人皆畏懼莫敢犯法我朝損之精且安知萬方百姓盡有君子識之乎是以率由舊章仍建申明亭於

儀門之內書事書法悉仍其舊庶幾借人形已益凜冰淵入是亭者當思
聖德如天仁愛備至唯恐持之於後難寬法網不如示之於先免蹈覆轍
於刑威之中隱寓保愛之意凡屬士民應無不為
懷刑之君子也乎因記其命名之由作亭之始云

木門在縣西一百八十里地勢狹隘兩岸奇峯壁立世傳卽三國時張郃戰死處

石門寺在縣南二百四十里巴南交界處石梁如削高二丈許厚丈許南北縱列數里昔人鑿之爲門以便交通工程頗巨旁有

古寺磨崖碑記
皆紀唐代年月

宋樂之震墓在縣東三里沙溪壩據岳氏家譜樂之震爲岳忠武王嫡裔避仇

壩民國十一年縣東沙溪壩發現古墓一其蓋底石刻文曰保護議郎前知儀隴縣事兼利路兵馬鈐轄難江縣令樂之震塚始知真墓所在云分詳名宦

楊侍郎墓在縣北一百二十里洋潭左名勝志墓碑字多剝蝕人

楊彥昭墓在縣西二百九十里九龍寨地名楊家塚碑刻明勅

明威烈將軍杜勝墓在禹門場墓側有杜氏祠堂將軍事跡無攷惟存銅鑼兵器上刻有杜勝二字其子孫尙繁衍

